



Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Tertia, Qva Continentvr Hermiae Sozomeni
Salaminij lib. 9. Euagrij Scholastici Epiphanensis lib. 6

Christopherson, John

[Köln], 1569

De Barbarorum tum in oriente tum in occidente incursionibus. Cap. II.

urn:nbn:de:hbz:466:1-12718

EVAGRII HISTORIAE

gare aggrediatur, uti totum voluptatum imperium abs se penitus repellat, deque cætero regno potiatur ille ipse, vel earum tyrannide oppressus ad extremum usque spiritum illis inferiens, tandem ad inferos miser detrudatur.

De Barbarorum tum in oriente tum in occidente incursionibus. Cap. II.

AD hunc modum Zeno in initio imperij sui vitam instituit. Illius autem subiecti, tam qui orientem, quam qui occidentem incolebat, grauibus afficiebantur incommode: quippe Barbari, qui Scenitæ vocantur, loca omnia populati sunt, multitudineque Hunnorum, qui olim vocabantur Massagetae, in Thraciam incursionum fecerunt quinetiam traiecit Danubium, prohibente nemine. Zeno vero reliquis etiam imperij partibus per vim Barbaro quodam more ac modo spoliatus fuit.

De tyrannide Basilisci, & Zenonis fugâ. Cap. III.

ISTE ZENO, cum Basiliscus Berniæ frater contra eum armata ferre pararet (erat enim suis ideo odiosus, quod omnes ex æquo flagitiosissimam eius vitam detestabantur: quandoquidem nulla in eo animi magnitudo elucebat, sed ignavia, & desperata nequitia, quæ fractam illius & euictam à voluptate socordiam satis indicauit) animo demissâ fugam capessit, augusto imperij honore sine ullo negotio Basilisco relicto. Atque unâ cum coniuge Ariadna, quam secum habebat, queque fugerat à matre, & si quis alius erat, in quo quicquam erga eum residebat benevolentia, in Isauria, quæ illum antea educauerat, obcessus est. Hoc modo igitur Basiliscus Imperij Romani nactus gubernacula, Marcum filium Cæsarem renunciauit: rationemque imperandi tum Zenoni, tum imperatoribus, qui ante regnauerant, omnino contrariam secutus est.

Quod Basiliscus, Timotheo Aeluro reuocato, ab eo persuasus, circulares quaqua versum literas ad condemnandum Chalcedonense concilium emisit.

Caput IIII.

Ille Ba-